



精圖

奇史大觀

歇浦寓公著

上海時化書局發行

全四冊

中華民國九年四月印刷
中華民國九年六月出版
中華民國九年七月再版

版權
所有

●精奇史大觀●
圖

全書四冊定
價大洋壹圓

編輯者 歇浦寓公

印刷者 上海時化書局

發行人 古越邵時蓀

代發行所 本埠各大書局

總發行所上海

伯頓路鳴興里七五六號

時化書局

九容齋寫真潤例

鉛像

十八寸半身

四元

廿四寸半身

六元

三十寸半身

八元

卅六寸半身

十元

全身加倍

補景另議

其他月份牌水彩像

油像封面插圖商標

廣告畫等概行另議

諸君賜教無任歡迎可

將照片（照片不論大

小一概可畫但當指明

所畫尺寸以免錯誤）

及潤資（須用郵匯）一

併交郵局掛號寄下或

移玉敝處接洽即行下

筆約日奉件

上海美界

伯頓路鴻興里七五六號

本主人金吾啓

上海時化書局發行

(最) (新) (出) (版)

今古

美 壹 滿 百 姻 種 緣

是書舉古今嘉耦蒐集成帙
刪舊存新共得百種其間奇
情奇迹莫非奇緣得風人之
樂趣異鄭衛之淫聲佳話千
秋雅俗共賞全書四冊裝訂
完美冠以精圖貯以彩匣非
特供士女之賞玩即如親友
婚嫁以之作贈賀品爲美滿
姻緣之左證當亦相率歡迎
也附入文明結婚圖式以備
嘉禮之用定價大洋一元四
角

● 新 體 ●

學 生 白 話 尺 牘

中

● 新 體 ●

學 生 白 話 尺 牘

刷

印

精圖

奇史大觀目次

卷一

奇孝

二則

奇忠

奇烈

奇俠

二則

奇情

奇童

奇婦

奇女

二則

奇妾

二則

奇僕

奇婢

卷二

奇緣

奇遇

奇運

奇兆

奇富

奇技

奇勇

奇術

奇課

奇癡

奇影

奇癖

奇瘤

奇夢

奇鏡

奇獄

奇案

奇讞

奇役

奇冤

卷三

奇叟

奇兒

奇醫

奇吏

奇僧

奇隱

奇妓

奇尼

奇賺二則

奇伶

奇丐

奇盜

奇竊

奇騙十二則

奇狐

奇鬼

奇犬

奇貓

奇鼠

奇虎

二則

奇柳

奇菊

卷四

風塵奇賞

髯俠奇蹤

巧令奇才

二則

獸官奇憤

科場奇捷

訟師奇計

二則

賢婦奇規

男女奇幻

秦晉奇緣

俠女奇晦

誤藥奇效

學生奇肖

薄倖奇報

蒙師奇疾

戇僕奇誠

馬甲奇逢

浮惡奇譴

結婚奇啓

癩疾奇瘳

堪輿奇驗

測字奇應

偷兒奇算

精圖 奇史大觀卷四

●風塵奇賞

浙江海甯縣查孝廉。字伊璜。才華豐艷。而風情瀟灑。常謂
滿眼悠悠。不堪酬對。海內奇傑。非從塵埃中物色。未可得
也。家居歲暮。命酒獨酌。頃之。愁雲四合。雪大如掌。因緩步
至門。適有乘興佳客。相與賞玩。見一丐者。避雪廡下。強直
而立。孝廉熟視良久。心竊異之。因呼之入。坐而問曰。我聞
街市間有丐。不曳杖。口若啣枚。敝衣枵腹。而無餓寒之色。

人皆稱爲鐵丐者。是汝耶。曰。是也。問能飲乎。曰。能。因令侍童以壺中餘酒。傾甌與飲。丐者舉甌立盡。孝廉大喜。復爇炭發醅。與之約曰。汝以甌飲。我以後。竭此醅乃止。丐盡三十餘甌。無醉容。而孝廉頽臥胡牀矣。侍童扶掖入內。丐逡巡出。仍宿廡下。達旦。雪霽。孝廉酒醒。謂其家人曰。我昨與鐵丐對飲。甚歡。觀其衣極藍縷。何以禦此嚴寒。亟以我絮袍與之。丐披袍而去。亦不求見致謝。明年。孝廉寄寓杭之長明寺。暮春之初。偕侶攜觴薄遊湖上。忽遇前丐於放鶴亭側。露肘跣足。昂首獨行。復挈之歸寺。詢以舊袍何在。

曰。時當春杪。安用此爲。已質錢付酒家矣。孝廉奇其言。因問曾讀書識字否。丐曰。不讀書識字。不至爲丐也。孝廉悚然心動。薰沐而衣履之。徐諭其姓氏里居。丐曰。僕系出延陵。心儀曲逆。家居粵海。名曰六奇。祇以早失父兄。性好博遊。遂致落拓江湖。流轉至此。因念叩門乞食。昔賢不免。僕何人斯。敢以爲污。不謂獲遇明公。賞於風塵之外。加以推解之恩。僕雖非淮陰少年。然一飯之惠。其敢忘乎。孝廉亟起而捉其臂曰。吳生固海內奇傑也。我以酒友目吳生。失吳生矣。仍命寺僧沽梨花春一石。相與日夕痛飲。盤桓累

月。贈以衣屨之資。遣歸粵東。六奇世居潮州。爲吳觀察道夫之後。略涉詩書。耽遊廬雉。失業蕩產。寄身郵卒。故於關河孔道。險阻形勝。無不諳熟。維時天下初定。王師由浙入廣。舳艫相銜。旌旗鉦鼓。喧耀數百里不絕。凡所過都邑。人民避匿村谷間。路無行者。六奇獨貿貿然來。邏兵執送麾下。因見主帥。備陳粵中形勢。傳檄可定。奇有義結兄弟三十人。素號雄武。祇以四海無主。擁衆據土。弄兵潢池。方今九五當陽。天旅南下。正蒸庶後蘇之會。豪傑效用之秋。苟得奇以遊筭三十道。先往馳諭。散給羣豪。近者迎降。遠

者響應。不踰月而破竹之形成矣。如其言行之。粵地悉平。由是六奇運籌之謀。所投必合。扛鼎之勇。無堅不破。征閩討蜀。屢立奇功。數年之間。位至通省水陸提督。當六奇流落不偶時。自分以污賤終。一遇查孝廉。解袍衡門。贈金蕭寺。且有海內奇傑之譽。遂心喜自負。獲以奮跡行伍。進秩元戎。嘗言天下有一人知己。無若查孝廉者。康熙初。開府循州。即遣牙將持三千金存其家。另奉書幣。邀致孝廉來粵。供帳舟輿。俱極腴備。將度梅嶺。吳公子已迎候道左。執禮甚恭。樓船簫鼓。由胥江順流而南。凡轄下文武僚屬。無

不願見查先生。爭先饋貽。篋綺囊珠。不可勝紀。去州城二十里。吳躬自出迎。八騶前馳。千兵後擁。導從儀衛。上擬侯王。旣迎孝廉至府。則蒲伏泥首。自稱昔年賤丐。非遇先生。何有今日。幸先生辱臨。糜丐之身。未足酬德。居一載。軍事旁午。凡得查先生一言。無不立應。義取之資。幾至鉅萬。其歸也。復以三千金贈行。曰。非敢云報。聊以誌淮陰少年之感耳。先是。茗中有富人莊廷鉞者。購得朱相國史。概博求三吳名士。增益修飾。刊行於世。前列參閱姓氏十餘人。以孝廉夙負重名。亦借列焉。未幾。私史禍發。凡有事於是書。

者論置極典。吳力爲孝廉奏辯得免。孝廉嗣後益放情詩酒。盡出其橐中裝。買美鬟十二。教之歌舞。每於良宵開讌。垂簾張燈。珠聲花貌。艷徹簾外。觀者醉心。孝廉夫人亦妙解音律。親爲家伎拍板。正其曲誤。以此查氏女樂。遂爲浙中名部。昔孝廉之在幕府也。園林極勝。中有英石峯一座。高可二丈許。嵌空玲瓏。若出鬼製。孝廉極所心賞。題曰縐雲閣。旬往視。忽失此石。則已命載巨艦。送至孝廉家矣。涉江踰嶺。費亦千緡。今孝廉旣沒。青娥老去。林荒池涸。而英石峯巋然尙存。

髯俠奇蹤

髯俠者。武昌舟子。不告人鄉里姓名。髯長尺許。分五髻。甚美人。呼爲美髯公。目光如炬。獨操一舟。往來吳越間。崇禎時。楚黃陳大巖者。有文名。訪友於金陵。賃得髯舟。見髯貌怪之。旣登舟。鼓棹如飛。暮宿。見水牛十餘頭。浴於江。妨泊處。髯以左右手各持一牛蹄。擲岸上。如披鼠蹊。數擲而盡。其行止。隨地。不擇地而泊。每至孤洲荒嶼。急灘迅流。留連而止。大巖患之。髯曰。吾舟所至。海倭所不敢犯。陽侯所不能怒也。君何怯焉。每過壇廟。輒詬責鬼神。叱咤不休。忽

大巖兒舟尾幔內。有二八女郎。嫺雅似士族子。益怪之。而未敢言。一日。曉起遙望。風吹酒帘。有惠泉字。顧謂髯而能爲我市酒乎。髯曰。諾。即索百錢去。大巖起。招女郎問曰。汝誰家人。胡從髯遊。髯何人耶。試私語我。我能脫汝。女泣然曰。妾杭人。從父宦於粵西。及歸。舟次湘潭。盜夜刦舟。殺妾父母一家十人。投於江。欲掠妾去。俄頃。髯從他舟至。揮刀殺盜十餘人。無有脫者。妾叩頭請死。髯曰。吾非盜。乃爲汝殺盜者。今汝父母仇已報。吾將訪汝兄弟而歸焉。脫無所歸。當爲汝擇佳壻。吾義不污汝。勿怖吾也。遂令妾入彼舟。